

四庫全書

子部


欽定四庫全書

幾何原本卷六

西洋利瑪竇撰

第一題

等高之三角形方形自相與為比例與其底之比例等



解曰甲乙丙丁戊己兩角形等高其底乙丙  
丙戊己丙庚戊辛兩方形等高其底乙丙  
戊己題言甲乙丙與丁戊己之比例丙庚

與戊辛之比例皆若乙丙與戊己

論曰試置四形於庚辛子寅兩平行線內

凡形自頂至底作垂線即本形之高故  
等高者必在平行線內見本卷界說四


乙子線內作數底線各與乙丙等為乙壬

壬癸癸子子己寅線內作數底線各與戊

己等為己丑丑寅次從甲從丁作甲壬甲

癸甲子丁丑丁寅諸線其甲乙丙甲乙壬

甲壬癸甲癸子四三角形既等底而在平行線內即



等

一卷三八

依顯丁戊己丁己丑丁丑寅三三角形亦等

則子丙底線大于乙丙若干倍而甲子丙角形大于

甲乙丙亦若干倍依顯戊寅之倍戊己亦若丁戊寅

之倍丁戊己

底線分數與形之分數等故

即用三試法若子丙

底大于戊寅底則甲子丙形亦大于丁戊寅形也若

等亦等若小亦小也

一卷三八

則一乙丙所倍之子丙三

甲乙丙所倍之甲子丙與二戊己所倍之戊寅四丁

戊己所倍之丁戊寅等大小皆同類也而一乙丙底



與二戊己底之比例若三甲乙丙與四丁戊己矣

五卷

六又丙庚戊辛兩方形各倍大于甲乙丙丁戊己兩

角形

一卷  
卅三

而甲乙丙與丁戊己之比例既若乙丙與

戊己即丙庚與戊辛兩方形之比例亦若乙丙與戊

己兩底矣


五卷  
十五

或從壬癸子及丑寅各作直線與庚

乙辛己平行即依上論推顯

增題凡兩角形兩方形各等底其自相與為比例

若兩形之高之比例



解曰甲乙丙與丁戊己兩角形甲庚乙  
丙與丁戊己辛兩方形其底乙丙與戊  
己等題言甲乙丙與丁戊己兩角形之  
比例甲庚乙丙與丁戊己辛兩方形之  
比例皆若甲壬與丁癸兩高

論曰試作子壬底線與乙丙等作丑癸  
底線與戊己等次作甲子丁丑兩線其甲壬子與  
甲乙丙兩角形等底又等高即等依顯丁癸丑與

甲乙丙兩角形等底又等高即等依顯丁癸丑與

丁戊己兩角形亦等一卷三八即甲乙丙與丁戊己之

比例若甲壬子與丁癸丑也五卷七今以甲壬丁癸

為底即甲壬子與丁癸丑兩角形之比例若甲壬

與丁癸兩底也本篇一而甲乙丙與丁戊己之比例

亦若甲壬與丁癸矣又甲乙丙與丁戊己兩角形

之比例既以倍大故若甲庚乙丙與丁戊己辛兩

方形之比例五卷十五即兩方形之比例亦若甲壬與

丁癸兩底也

五卷十一


若作庚子辛丑兩線亦依前論

推顯

第二題

支二

三角形任依一邊作平行線即此線分兩餘邊以為比例必等三角形內有一線分兩邊以為比例而等即此線與餘邊為平行



先解曰甲乙丙角形內如作丁戊線與乙丙平行題言丁戊分甲乙甲丙于丁于戊

以為比例必等者甲丁與丁乙若甲戊與戊丙也

論曰試作丁丙戊乙兩線其丁戊乙丁戊丙兩角形同

以丁戊為底同在兩平行線內即等

一卷三七

而甲戊丁

與丁戊乙兩角形之比例若甲戊丁與丁戊丙矣

五卷

夫甲戊丁與丁戊乙兩角形亦在兩平行線內

若

戊點上作一線與甲乙平行即兩形在其內

則甲戊丁與丁戊乙兩角形

之比例若甲丁與丁乙兩底也

本篇一

依顯甲戊與戊

丙兩底之比例亦若甲戊丁與丁戊丙兩角形也

兩形

亦在兩平  
行線內故是甲丁與丁乙兩線之比例甲戊與戊丙

兩線之比例皆若甲戊丁與丁戊乙也或與丁戊丙

也

丁戊乙與  
丁戊丙等

則甲丁與丁乙亦若甲戊與戊丙也

卷五

一十

後解曰甲乙丙角形內有丁戊線分甲乙甲丙于丁  
于戊以為比例而等題言丁戊與乙丙為平行線

論曰試作丁丙戊乙兩線其甲丁與丁乙兩底之比

例若甲戊丁與丁戊乙兩角形也

在兩平行線內  
故見本篇一

而

甲丁與丁乙之比例若甲戊與戊丙即甲戊丁與丁

戊乙之比例亦若甲戊與戊丙也五卷十一又甲戊與戊

丙兩底之比例既若甲戊丁與丁戊丙在兩平行線內故見本篇


一則甲戊丁與丁戊乙之比例亦若甲戊

丁與丁戊丙也五卷十一而丁戊乙與丁戊丙


兩角形等矣五卷九兩角形同以丁戊為底

而等則在兩平行線內一卷十九

第三題 二支



三角形任以直線分一角為兩平分而分對角邊為兩分則兩分之比例若餘兩邊之比例三角形分角之線所分對角邊之比例若餘兩邊則所分角為兩平分



丙

先解曰甲乙丙角形以甲丁線分乙甲丙角為兩平分題言乙丁與丁丙之比例若乙甲與甲

論曰試作乙戊線與甲丁平行次于丙甲線引長之



至戊其甲乙戊與乙甲丁為平行線相對之兩內角  
等外角丁甲丙與內角戊亦等

一卷廿九

今乙甲丁與丁

甲丙又等即甲乙戊角與戊角亦等也而甲戊與甲

乙兩腰亦等矣

一卷六

則戊甲與甲丙之比例若乙甲

與甲丙也

五卷七

夫戊甲與甲丙之比例若乙丁與丁

丙也

本篇二


則乙甲與甲丙之比例亦若乙丁與丁丙

也

五卷十一

後解曰乙丁與丁丙之比例若乙甲與甲丙

題言甲丁線分乙甲丙角為兩平分



論曰依前作乙戊線與甲丁平行而引丙

甲線至戊其乙甲與甲丙之比例既若乙

丁與丁丙甲丁線又與戊乙邊平行而乙丁與丁丙

之比例若戊甲與甲丙本篇即乙甲與甲丙之比例

亦若戊甲與甲丙五卷是戊甲與乙甲兩線等矣五卷


九則甲乙戊角與戊角亦等也一卷夫甲乙戊與乙

甲丁為平行線相對之兩內角等而外角丁甲丙與


內角戊亦等一卷則乙甲丁丁甲丙兩角必等

第四題

凡等角三角形其在等角旁之各兩腰線相與為比例  
必等而對等角之邊為相似之邊



解曰甲乙丙丁丙戊兩角形等角者甲乙  
丙與丁丙戊甲丙乙與丁戊丙乙甲丙與  
丙丁戊每相當之各角俱等也題言甲乙  
與乙丙之比例若丁丙與丙戊甲乙與甲  
丙若丁丙與丁戊甲丙與乙丙若丁戊與丙戊而每



對等角之邊各相似相似者謂各前各後率各對本  
 形之相當等角論曰試並置兩角形令乙丙丙戊兩  
 底為一直線而丁丙戊為甲乙丙之外角其甲乙丙  
 甲丙乙兩角既小于兩直角一卷廿七丁戊丙與甲丙乙

兩角又等即乙戊兩角亦小于兩直角而  
 乙甲戊丁兩線引出之必相遇一卷界即說十一  
 作兩線令過于己其丁丙戊外角與甲乙  
 丙內角既等即丁丙與己乙為平行線卷一

廿八 依顯甲丙乙外角與丁戊丙內角既等即甲丙與

己戊亦平行線一卷而甲己丁丙為平行線方行則

甲己與丁丙兩線等也甲丙與己丁兩線等也一卷

夫乙戊己角形內之甲丙線既與己戊邊平行即甲

乙與等甲己之丁丙之比例若乙丙與丙戊也本篇

更之即甲乙與乙丙若丁丙與丙戊也五卷又乙戊

己角形內之丁丙線既與己乙邊平行即乙丙與丙

戊之比例若等己丁之甲丙與丁戊也本篇更之即

乙丙與甲丙若丙戊與丁戊也

五卷十六


甲乙與乙丙既

若丁丙與丙戊而乙丙與甲丙又若丙戊與丁戊平

之即甲乙與甲丙若丁丙與丁戊也

五卷廿二

一系凡角形內之直線與一邊平行而截一分為角



形必與全形相似如上甲乙丙角形作丁戊直線與乙丙平行而截一分為甲丁戊

角形必與甲乙丙全形相似何者甲丁戊外角與甲


乙丙內角等甲戊丁外角亦與甲丙乙內角等

一卷廿九

甲角又同即兩形相似而各等角旁兩邊之比例等

本題

增題凡角形之內任依一邊作一平行線于此邊  
任取一點向對角作直線則所分兩平行線比例  
等



解曰甲乙丙角形內作丁戊線與乙  
丙平行次于乙丙邊任取己點向甲  
角作直線分丁戊于庚題言乙己與

己丙之比例若丁庚與庚戌

論曰甲己乙甲庚丁兩角形既相似

本系

即甲己與

己乙之比例若甲庚與庚丁也更之即甲己與甲

庚若己乙與庚丁也

五卷十六

依顯甲己與甲庚若己

丙與庚戌也則乙己與丁庚亦若己丙與庚戌也

五卷十一

更之即乙己與己丙若丁庚與庚戌也

五卷十六

又論曰甲己乙甲庚丁兩角形甲己丙甲庚戌兩

角形既各相似即乙己與甲己之比例若丁庚與



庚甲也本系依顯甲已與己丙亦若甲庚與庚戊也



平之即乙己與己丙若丁庚與庚戊也

五卷廿二

### 第五題

兩三角形其各兩邊之比例等即兩形為等角形而對各相似邊之角各等

解曰甲乙丙丁戊己兩角形其各兩邊之比例等者甲乙與乙丙若丁戊與戊己而乙丙與甲丙若戊己與丁己甲丙與甲乙若丁己與丁戊也題言此兩形為等角形而對



各相似邊之角甲與丁乙與戊丙與己各等

論曰試作己戊庚角與乙角等作庚己戊角與

丙角等而戊庚己庚兩線遇于庚即庚角與甲

角等一卷是甲乙丙庚戊己兩形等角矣則甲

乙與乙丙之比例若庚戊與戊己也本篇甲乙與乙丙元

若丁戊與戊己則庚戊與戊己亦若丁戊與戊己也五卷

而丁戊與庚戊兩線必等五卷又乙丙與甲丙之比例若

戊己與庚己本篇而乙丙與甲丙元若戊己與丁己則戊

已與庚已亦若戊已與丁已也

五卷十一

而丁已與庚已兩線

必等

五卷九

夫庚戊庚已兩腰既與丁戊丁已兩腰各等戊已

同底即丁角與庚角亦等

一卷八

其餘庚戊已與丁戊已庚已

戊與丁已戊各相當之角俱等

一卷四


而庚角與甲角既等即

丁角與甲角亦等丁戊已角與乙角丁已戊角與丙角俱等

### 第六題

兩三角形之一角等而等角旁之各兩邊比例等即兩形為等角形而對各相似邊之角各等

解曰甲乙丙丁戊己兩角形其乙與戊兩角等而甲乙與乙丙之比例若丁戊與戊己題言餘角丙與己甲與丁俱等



論曰試作己戊庚角與乙角等作庚己戊角與丙角等而戊庚己庚兩線遇于庚依前論推顯甲乙丙庚戊己兩形等角即甲乙與乙丙之比  
 例若庚戊與戊己也本篇甲乙與乙丙元若丁

戊與戊己則庚戊與戊己亦若丁戊與戊己也

五卷十一而

丁戊與庚戊兩線必等

五卷九

夫丁戊庚戊兩邊既等戊

已同邊庚戌已角與丁戌已角又等

丁戌已角與乙角等而已戌庚亦與

乙等

故 即其餘各相當之角俱等

一卷四

而庚角既與甲


角等庚已戌角既與丙角等即甲角丙角與丁角戌

已丁角各等而甲乙丙丁戌已為等角形矣

### 第七題

兩三角形之第一角等而第二相當角各兩旁之邊比例等其第三相當角或俱小于直角或俱不小于直角即兩形為等角形而對各相似邊之角各等

解曰甲乙丙丁戊己兩角形其一甲角與一丁角等



而第二相當角如甲丙乙兩旁之甲丙丙  
乙兩邊偕丁己戊兩旁之丁己己戊兩邊  
比例等其第三相當角如乙與戊或俱小  
于直角或俱不小于直角題言兩形等角  
者謂甲丙乙角與己等乙角與戊等

先論乙與戊俱小于直角者曰如云不然

而甲丙乙大于己令作甲丙庚角與己等即甲庚丙

角宜與戊等

一卷  
廿二

甲庚丙與丁戊己為等角形矣即

甲丙與丙庚之比例宜若丁己與己戊

本篇  
四

而先設

甲丙與丙乙若丁己與己戊也是甲丙與丙庚亦若

甲丙與丙乙也

五卷  
十一

是庚丙與乙丙兩線等也

五卷  
九

丙庚乙與丙乙庚兩角亦等也

一卷  
五

夫乙既小于直

角即等腰內之丙庚乙亦小于直角則較角之丙庚

甲必大于直角也

丙庚甲丙庚乙兩角等  
于兩直角見一卷十三

而丙庚甲

既與戊等則丙庚乙宜大于直角矣其相等之乙角

何由得小于直角也

後論乙與戊俱不小于直角者曰如云不然依先論

乙角與丙庚乙角等即丙庚乙亦不小于直角夫丙

庚乙丙乙庚同為角形內之兩角乃俱不小于直角

一卷何也則甲丙乙不得不等于丁己戊也而其餘

乙與戊角等矣


一卷  
廿二

### 第八題

直角三邊形從直角向對邊作一垂線分本形為兩直



角三邊形即兩形皆與全形相似亦自相似



解曰甲乙丙直角三邊形從乙甲丙直角作  
甲丁垂線題言所分甲丁丙甲丁乙兩三邊  
形皆與全形相似亦自相似

論曰甲乙丙甲丁丙兩形既各以乙甲丙甲丁為  
直角而丙角又同即其餘甲乙丙丁甲丙兩角必等  
一卷則甲乙丙甲丁丙兩形必為等角形而等角旁  
三之各兩邊比例必等等者謂乙丙與甲丙若甲丙與

丙丁也甲丙與甲乙若丙丁與甲丁也乙丙與甲乙

若甲丙與甲丁也即甲丁丙角形與甲乙丙全形相

似矣

本篇四

依顯甲丁乙角形與甲乙丙全形亦相似

也何者丙甲乙甲丁乙兩皆直角而乙角又同即其

餘甲丙乙丁甲乙兩角必等

一卷卅二

甲乙丙甲丁乙兩

形必為等角形而等角旁之各兩邊比例必等故也

依顯甲丁乙甲丁丙兩角形亦相似也何者兩形各


與全形相似即兩形自相似

五卷十一

系從直角作垂線即此線為兩分對邊線比例之中  
率而直角旁兩邊各為對角全邊與同方分邊比例  
之中率何者丙丁與丁甲之比例若丁甲與丁乙也  
故丁甲為丙丁丁乙兩分邊比例之中率也又乙丙與  
丙甲之比例若丙甲與丙丁也故丙甲為乙丙丙丁  
之中率也乙丙與乙甲之比例若乙甲與乙丁也故  
乙甲為乙丙乙丁之中率也

第九題

一直線求截所取之分



甲庚為甲乙三分之一

法曰甲乙直線求截取三分之一先從甲任作一甲丙線為丙甲乙角次從甲向丙任作所命分之平度如甲丁丁戊戊己為三分也次作己乙直線末作丁庚線與己乙平行即

論曰甲乙己角形內之丁庚線既與乙己邊平行即

己丁與丁甲之比例若乙庚與庚甲也

本篇合之二


合之己

甲與甲丁若乙甲與庚甲也

五卷十八

而甲丁既為己甲

三分之一即庚甲亦為乙甲三分之一也



注曰甲乙線欲截取十一分之四先作甲

丙線為丙甲乙角從甲向丙任平分十一

分至丁次作丁乙線末從甲取四分得戊

作戊己線與丁乙平行即甲己為十一分

甲乙之四何者依上論丁甲與戊甲之比

例若乙甲與己甲也反之甲戊與甲丁若甲己與甲


乙也 五卷四

甲戌為甲丁十一分之四則甲己亦甲乙

十一分之四矣依此可推不盡分之數蓋四不為十一之盡分故

### 第十題

一直線求截各分如所設之截分



法曰甲乙線求截各分如所設甲丙任分之丁戊者謂甲乙所分各分之比例若甲丁丁戊戊丙也先以甲乙甲丙兩線相聯

于甲任作丙甲乙角次作丙乙線相聯末從丁從戊  
作丁巳戊庚兩線皆與丙乙平行即分甲乙線于己  
于庚若甲丙之分于丁于戊

論曰甲丁與丁戊之比例既若甲己與己庚本篇即


甲己與己庚亦若甲丁與丁戊也更作丁辛線與甲

乙平行而分戊庚于壬即丁戊與戊丙若丁壬與壬

辛也亦若等丁壬之己庚一卷與等壬辛之庚乙也

本篇則己庚與庚乙亦若丁戊與戊丙也

從此題作一用法平分一直線為若干分如甲乙線求



五平分即從甲任作甲丙線為丙甲乙角

次從甲向丙任作五平分為甲丁丁戊戊

己己庚庚辛次作辛乙直線相聯末作丁


壬戊癸己子庚丑四線皆與辛乙平行即


壬癸子丑分甲乙為五平分其理依前論推顯

又一簡法如甲乙線求五平分即從丙任作丙乙線

為丙乙甲角次于乙丙任取一點為丁作丁戊線與





子丑子寅子卯子辰為五平分  
  
 甲乙平行次從丁向戌任作五平分  
 為丁巳己庚庚辛辛壬壬癸而丁癸  
 線令小于甲乙次從甲過癸作甲子  
 線遇乙丙子子末從子作子壬子辛  
 子庚子己四線各引長之而分甲乙

論曰丁戌與甲乙既平行即子壬癸與子丑甲兩角子癸壬與子甲丑兩角各等一卷廿九而甲子丑同

廿一卷

而甲子丑同

角即甲子丑癸子壬兩角形相似矣則子癸與癸

壬之比例若子甲與甲丑也

本篇四

依顯子壬與壬

辛若子丑與丑寅也又癸壬與壬辛等即子壬與

壬癸若子壬與壬辛也

五卷七

則子丑與丑甲亦若

子丑與丑寅也而甲丑丑寅兩線等矣


五卷十一

依顯

寅卯辰辰乙俱與甲丑等則甲乙線為五平分

又一簡法如甲乙線求五平分即從甲從乙作甲

丁乙丙兩平行線次從乙任作戊己庚辛四平分



次用元度從甲作壬癸子丑四平分  
末作戊丑巳子庚癸辛壬四線相聯  
即分甲乙于巳子辰于卯于寅為五  
平分

論曰辛庚與壬癸既平行相等即辛

壬與庚癸亦平行

一卷  
十三

依顯巳子戊


丑俱平行而甲丑既為四平分則甲

巳亦四平分

本題

依顯乙辛既為四平

分則乙寅亦四平分而通甲乙為五平分



又用法先作一器丙丁戊己為  
平行線任平分為若干格每分  
作平行線相聯今欲分甲乙為  
五平分即規取甲乙之度以一

角抵戊丙線而一角抵庚辛線如不在庚辛者即  
漸移之令至也既至壬即戊壬之分為甲乙之分  
論曰庚癸與子辛既平行相等即癸子庚辛亦平

行相等

一卷  
卅三

而丙丁戊己內諸線俱平行相等戊

庚為五平分即戊壬亦五平分矣

本題

戊壬之度既

與甲乙等即自戊至壬諸格分甲乙為五平分也

如戊丙線上取丑點而甲乙度抵庚辛之外若丑


寅即從庚辛線引長之為庚寅而癸子諸線俱引

長之其丑寅仍為五平分如前論若所欲分之線

極小則製器宜密令相稱焉

增題有直線求兩分之而兩分之比例若所設兩線

# 之比例




法曰甲乙線求兩分之而兩分之比例  
若所設丙與丁先從甲任作甲戊線而  
為甲角次截取甲己與丙等己庚與丁

等次作庚乙線聯之末作己辛線與庚乙平行即  
分甲乙于辛而甲辛與辛乙之比例若丙與丁說  
見本篇二

又增題兩直線各三分之各互為兩前後率比例


等即兩中率與兩前兩後率各為比例亦等



解曰甲乙丙丁兩線各三分之于戊  
于己于庚于辛各互為兩前兩後率  
比例等者甲戊與戊乙若丙庚與庚

丁甲己與己乙若丙辛與辛丁也題言中率戊己  
庚辛各與其前後率為比例亦等者甲戊與戊己  
若丙庚與庚辛己乙與戊己若辛丁與庚辛也  
論曰甲戊與戊乙之比例既若丙庚與庚丁即合

之甲乙與戊乙若丙丁與庚丁也而甲己與己乙  
 既若丙辛與辛丁即合之甲乙與己乙若丙丁與  
 辛丁也又反之己乙與甲乙若辛丁與丙丁也夫  
 己乙與甲乙既若辛丁與丙丁而甲乙與戊乙又



若丙丁與庚丁即平之己乙與戊乙  
 亦若辛丁與庚丁也  
 乙與戊己若庚丁與庚辛也又分之  
 己乙與戊己若辛丁與庚辛也此後解也又甲戊



與戊乙既若丙庚與庚丁而戊乙與戊己又若庚  
丁與庚辛即平之甲戊與戊己若丙庚與庚辛也  
此前解也

又簡論曰如後圖聯甲于丙作乙甲丁角次作丁  
乙辛己庚戊三線相聯其甲戊與戊乙之比例既

若丙庚與庚丁即庚戊與丁乙平行本篇甲己與

己乙既若丙辛與辛丁即辛己與丁乙平行本篇

而庚戊與辛己亦平行一卷三十是甲戊與戊己若丙


庚與庚辛也已乙與戊己亦若辛丁與庚辛也

本篇

二

# 第十一題

兩直線求別作一線相與為連比例



法曰甲乙甲丙兩線求別作一線相與為連比

例者合兩線任作甲角而甲乙與甲丙之比


例若甲丙與他線也先于甲乙引長之為乙

丁與甲丙等次作丙乙線相聯次從丁作丁戊線與

丙乙平行末于甲丙引長之過于戊即丙戊為所求

線

如以甲丙為前率倣此




論曰甲丁戊角形內之丙乙線既與戊丁邊平行即甲乙與乙丁之比例若甲丙與丙戊

也二本篇

而乙丁甲丙元等即甲乙與甲丙若甲丙與

丙戊也

五卷七



注曰別有一法以甲乙乙丙兩線列作甲

乙丙直角次以甲丙線聯之而甲乙引長

之末從丙作丙丁為甲丙之垂線遇引長線于丁  
即乙丁為所求線

論曰甲丙丁角形之甲丙丁既為直角而從直角  
至甲丁底有丙乙垂線即丙乙為甲乙乙丁比例  
之中率

本篇八  
之系


則甲乙與乙丙若乙丙與乙丁也

既從一二得三即從二三求四以上至于無窮俱

倣此

## 第十二題

三直線求別作一線相與為斷比例



法曰甲乙乙丙甲丁三直線求別作一線相與為斷比例者謂甲丁與他線之比例若甲乙與乙丙也先以甲乙乙丙作直線為甲丙次以甲丁線合甲丙任作甲角次作丁乙線相聯次從丙作丙戊線與丁乙平行末自甲丁引之遇丙戊于戊即丁戊為所求線


論曰甲丙戊角形內之丁乙線既與丙戊邊平行即

甲丁與丁戊之比例若甲乙與乙丙

本篇二

### 第十三題

兩直線求別作一線為連比例之中率



法曰甲乙乙丙兩直線求別作一線為中率  
者謂甲乙與他線之比例若他線與乙丙也  
先以兩線作一直線為甲丙次以甲丙兩平  
分于戊次以戊為心甲丙為界作甲丁丙半圓末從  
乙至圓界作乙丁垂線即乙丁為甲乙乙丙之中率

論曰試從丁作丁甲丁丙兩線即甲丁丙為直角

卷三


一而直角所下乙丁垂線兩分對邊線甲丙其甲乙

與乙丁若乙丁與乙丙也

本篇八  
之系

則乙丁為甲乙乙

丙之中率



注曰依此題可推凡半圓內之垂線皆為

分徑線之中率線如甲乙丙半圓其乙丁

為甲丁丁丙之中率己戊為甲戊戊丙之

中率辛庚為甲庚庚丙之中率也何者半圓之內從


垂線作角皆為直角

三卷  
卅一

故依前論推顯各為中率

也

增題一直線有他直線大于元線二倍以上求分  
他線為兩分而以元線為中率



法曰甲乙線大于甲丙二倍以上求兩分  
甲乙而以甲丙為中率先以甲乙甲丙聯  
為丙甲乙直角而兩平分甲乙于下次以  
丁為心甲乙為界作甲戊乙半圓次從丙作丙戊



線與甲乙平行而過半圓界于戊末從戊作戊己  
垂線而分甲乙于己即戊己為甲己己乙兩分之  
中率

論曰試作戊甲戊乙兩線依本題論即戊己為甲  
己己乙之中率而甲丙戊己為平行方形即丙甲  
與戊己等

一卷  
卅四


則丙甲亦甲己己乙之中率也

第十四題

二  
支

兩平行方形等一角又等即等角旁之兩邊為互相視


之邊兩平行方形之一角等而等角旁兩邊為互相視之邊即兩形等



先解曰甲乙丙辛乙戊己庚兩平行方形等甲乙丙戊乙庚兩角又等題言此兩角各兩旁之兩邊為互相視之邊者

甲乙與乙庚之比例若戊乙與乙丙也

論曰試以兩等角相聯于乙令甲乙乙庚為一直線其甲乙丙與戊乙庚既等角即戊乙乙丙亦一直線



一卷十次從辛丙己庚各引長之遇于  
五增題

丁其辛乙乙己兩平行方形既等即辛

乙與乙丁兩形之比例若乙己與乙丁

也五卷而辛乙與乙丁俱在兩平行線之內等高即

辛乙與乙丁兩形之比例若其底甲乙與乙庚也本篇

一依顯乙己與乙丁兩形亦若其底戊乙與乙丙也

則甲乙與乙庚亦若戊乙與乙丙也

後解曰甲乙丙戊乙庚等角兩旁之各兩邊為互相

視之邊者甲乙與乙庚若戊乙與乙丙也題言辛乙  
乙己兩平行方形等

論曰依上論以兩等角相聯其甲乙與乙庚之比例  
既若戊乙與乙丙而甲乙與乙庚兩底之比例若平  
行等高之辛乙與乙丁兩形

本篇一

戊乙與乙丙兩底


之比例若平行等高之乙己與乙丁兩形則辛乙與  
乙丁若乙己與乙丁矣而辛乙乙己兩形安得不等

五卷  
九

第十五題

支二

相等兩三角形之一角等即等角旁之各兩邊互相視  
兩三角形之一角等而等角旁之各兩邊互相視即  
兩三角形等



先解曰甲乙丙乙丁戊兩角形等兩乙角又  
等題言等角旁之各兩邊互相視者謂甲乙  
與乙戊之比例若丁乙與乙丙也

論曰試以兩等角相聯于乙令甲乙乙戊為

一直線其甲乙丙丁乙戊既等角即丁乙乙丙亦一

直線

一卷十  
五增題

次作丙戊線相聯其甲乙丙乙丁戊兩

角形既等即甲乙丙與乙丙戊之比例若乙丁戊與

乙丙戊也

五卷  
七

夫甲乙丙與乙丙戊兩等高形之比

例若其底甲乙與乙戊也而乙丁戊與乙丙戊兩等

高形亦若其底丁乙與乙丙也則甲乙與乙戊若丁

乙與乙丙

後解曰兩乙角等而乙旁各兩邊甲乙與乙戊之比

例若丁乙與乙丙題言甲乙丙乙丁戊兩角形等

論曰依前列兩形令等角旁兩邊各為一直線其甲

乙與乙戊之比例既若丁乙與乙丙而甲乙與乙戊

兩底又若其上甲乙丙乙丙戊兩等高角形丁乙與

乙丙兩底又若其上乙丁戊乙丙戊兩等高角形則

甲乙丙與乙丙戊之比例若乙丁戊與乙丙戊矣而


甲乙丙與乙丁戊豈不相等

五卷  
九

第十六題

文二

四直線為斷比例即首尾兩線矩內直角形與中兩線矩內直角形等首尾兩線與中兩線兩矩內直角形等即四線為斷比例



先解曰甲乙己庚戊己乙丙四直線為斷比例者謂甲乙與己庚若戊己與乙丙也而甲乙丙丁為甲乙乙丙首尾兩線矩內直角形戊己庚辛為戊己己庚

中兩線矩內直角形題言甲丙戊庚兩形等



論曰兩形之乙與己既等為直角而甲乙與己庚之  
比例若戊己與乙丙是乙己等角旁之各兩邊互相  
視而甲丙戊庚兩直角形必等

本篇  
十四


後解曰甲丙戊庚兩直角形等題言四線之比例等  
者謂甲乙與己庚若戊己與乙丙也

論曰甲丙戊庚兩形之乙與己既等為直角即等角  
旁之各兩邊互相視而甲乙與己庚之比例若戊己

與乙丙也

本篇  
十四

則四線為斷比例矣



注曰若平行斜方形而等

角亦同此論如上圖

以上二題即筭家句股法三數筭法所賴也

# 第十七題


支二

三直線為連比例即首尾兩線矩內直角形與中線上

直角方形等首尾線矩內直角形與中線上直角方

形等即三線為連比例

先解曰甲乙戊己乙丙三線為連比例者甲乙與戊



庚兩形等

己若戊己與乙丙也而甲乙丙丁為甲  
乙乙丙首尾線矩內直角形戊己

論曰試作己庚線與戊己等即甲乙乙丙己庚戊己

為比例等等者謂甲乙與戊己若己庚與乙丙也則

戊己己庚矩內直角形

即戊己上  
直角方形

與甲乙乙丙首尾

線矩內之甲丙形等矣

本篇  
十六


後解曰甲丙直角形與戊庚直角方形等題言甲乙與戊己之比例若戊己與乙丙

論曰甲丙戊庚既皆直角形即甲乙與戊己之比例

若己庚與乙丙也本篇而已庚與乙丙亦若等己庚

之戊己與乙丙五卷則甲乙與戊己若戊己與乙丙

矣




注曰若平行斜方形而等角亦同此論如上圖

系凡直線上直角方形與他兩線所作矩內直角形  
等即此線為他兩線之中率何者依上後論甲乙乙  
丙矩內直角形與戊己上直角方形等即可推甲乙  
與戊己若戊己與乙丙而戊己為甲乙乙丙之中率  
故

第十八題

直線上求作直線形與所設直線形相似而體勢等  
法曰如甲乙線上求作直線形與所設丙丁戊己庚



形相似而體勢等先于設形任從一角向

各對角各作直線而分本形為若干角形

如上設形則從己向丙向丁作兩直線而

分為丙丁己丁己戊丙己庚三三角形也

次于元線上作乙甲壬甲乙壬兩角與丁丙己丙丁

己兩角各等其甲壬乙壬兩線遇于壬即甲壬乙與

丙己丁兩角亦等而甲壬乙與丙己丁兩形為等角

形矣一卷次作乙壬辛壬乙辛兩角與丁己戊己丁

戊兩角各等其壬辛乙辛兩線遇于辛即乙辛壬與  
丁戊己兩角亦等而乙壬辛與丁己戊兩形為等角  
形矣末依上作甲壬癸與丙己庚亦為等角形即甲  
乙辛壬癸與丙丁戊己庚兩形等角則相似而體勢  
等凡設多角形俱倣此

論曰壬甲乙角與己丙丁角既等而壬甲癸角與己  
丙庚角又等即乙甲癸全角與丁丙庚全角等依顯  
甲乙辛與丙丁戊兩全角亦等而其餘各全角俱等

則甲乙辛壬癸與丙丁戊己庚為等角形矣又甲乙

與乙壬之比例既若丙丁與丁己而乙壬

與乙辛亦若丁己與丁戊本篇平之即甲


乙與乙辛亦若丙丁與丁戊也五卷廿二則甲

乙辛丙丁戊兩等角旁各兩邊之比例等

也而辛戊兩等角旁各兩邊之比例亦等也兩形等角即等角旁


各兩邊之比例  
等見本篇四又辛壬與壬乙之比例既若戊己與己

丁而壬乙與壬甲亦若己丁與己丙壬甲與壬癸亦若







已丙與已庚平之即辛壬與壬癸亦若戊己與已庚也  
五卷則辛壬癸戊己庚兩等角旁各兩邊之比例  
等也依顯餘角俱如是則兩形為等角形而各等角  
旁各兩邊之比例俱等是兩形相似而體勢等



注曰凡線上形相當之各角等即形相似  
而體勢等如上甲乙丙丁戊己兩角形其  
乙丙戊己線上之乙角丙角與戊角己角  
相當相等者是也若兩形在乙丙丁戊兩



線上則雖相似而體勢不等又如上甲

丙戊庚兩直角形其甲丁與丁丙之比

例若戊辛與辛庚而餘邊之比例俱等

亦形相似而體勢等若甲丙壬庚兩直

角形雖角旁比例等而在丁丙庚

辛線上不相當則體勢不等

增作本題別有一簡法如設甲乙

丙丁戊己直線形求于庚線上作

直線形與相似而體勢等先于甲角旁之甲乙甲  
己兩線任引出之為甲辛甲丑次從甲向各角各  
任作直線為甲壬甲癸甲子次于甲乙線上截取  
甲辛與庚線末從辛作辛壬線與乙丙平行作壬  
癸與丙丁癸子與丁戊子丑與戊己各平行即所  
求

論曰兩形之甲角既同甲乙丙甲己戊兩角與甲

辛壬甲丑子兩角各等

一卷廿九

而甲丙乙甲丙丁兩


角與甲壬辛甲壬癸兩角各等即乙丙丁與辛壬  
癸兩全角亦等依顯丙丁戊己與壬癸子癸  
子丑各全角各等則甲乙丙丁戊己與甲辛壬癸  
子丑兩直線形為等角形矣又甲辛壬甲壬癸甲  
癸子甲子丑四三角形與甲乙丙甲丙丁甲丁戊  
甲戊己四三角形各相似本篇四即甲乙與乙丙  
之比例若甲辛與辛壬也而乙丙與丙甲若辛壬  
與壬甲也丙甲與丙丁若壬甲與壬癸也平之則

乙丙與丙丁亦若辛壬與壬癸也依顯餘邊俱如是則兩形相似而體勢等也

第十九題

相似三角形之比例為其相似邊再加之比例

解曰如甲乙丙丁戊己兩角形等角其乙與戊丙與己相當之角各等而甲乙與乙丙之比例若丁戊與戊己題言兩形之比例為乙丙與戊己兩邊再加之比例




兩等邊再加之比例矣

先論曰若兩角形等即乙丙與戊己兩邊  
亦等而各兩等邊為相同之比例即兩形  
亦相同之比例就令作再加之比例亦未  
免為相同之比例則相等之兩形即可為

後論曰若乙丙邊大于戊己邊即于乙丙線上截取

乙庚為連比例之第三率令乙丙與戊己之比例若

戊己與乙庚也本篇十一次作甲庚直線其甲乙與乙丙



之比例若丁戊與戊己更之即甲乙與丁  
戊若乙丙與戊己也而乙丙與戊己若戊  
己與乙庚則甲乙與丁戊若戊己與乙庚  
也夫甲乙庚與丁戊己兩角形有乙戊兩

等角而各兩旁之兩邊又互相視本篇十五即兩形等則

甲乙丙形與丁戊己形之比例若甲乙丙形與甲乙

庚形矣


五卷七

又甲乙丙與甲乙庚兩等高角形之比

例若乙丙底與乙庚底

本篇一

則甲乙丙形與丁戊己



形之比例亦若乙丙底與乙庚底也既乙  
丙戊己乙庚三線為連比例則一乙丙與  
三乙庚之比例為一乙丙與二戊己再加  
之比例矣是甲乙丙與丁戊己兩形之比  
例為乙丙與戊己再加之比例也

系依本題可顯凡三直線為連比例即第一線  
上角形與第二線上角形之比例若第一線與  
第三線之比例如上甲乙丙三直線為連比例




其甲與乙上各有角形相似而體勢等則一甲線與  
三丙線之比例若甲形與乙形也何者甲線與丙線  
之比例為甲線與乙線再加之比例而甲形與乙形  
之比例亦甲線與乙線再加之比例則甲形與乙形  
之比例若甲線與丙線矣依顯二乙上角形與三丙  
上角形相似而體勢等則乙形與三丙形之比例若  
一甲線與三丙線

第二十題

三  
支


以三角形分相似之多邊直線形則分數必等而相當  
 之各三角形各相似其各相當兩三角形之比例若  
 兩元形之比例其元形之比例為兩相似邊再加之  
 比例

先解曰此甲乙丙丁戊彼己庚辛壬癸兩多邊直線  
 形其乙甲戊庚己癸兩角等餘相當之各角俱等而



各等角旁各兩邊之比例各等題先言各  
 以角形分之其角形之分數必等而相當

之各角形各相似



論曰試從乙甲戊庚己癸兩角向各對角俱作直線為甲丙甲丁己辛己壬其元形

既相似即角數等而所分角形之數亦等又乙角既

與庚角等而角旁各兩邊之比例亦等即甲乙丙與

己庚辛兩角形必相似

本篇六

乙甲丙與庚己辛兩角

甲丙乙與己辛庚兩角各等而各等角旁各兩邊之

比例各等

本篇四

依顯甲戊丁己癸壬兩角形亦相似

又甲丙與丙乙之比例既若己辛與辛庚而丙乙與

丙丁若辛庚與辛壬

兩元形相似故

平之即甲丙與丙丁若

己辛與辛壬也

五卷廿二

又乙丙丁角既與庚辛壬角等

而各減一相等之甲丙乙角己辛庚角即所存甲丙

丁角與己辛壬角必等則甲丙丁與己辛壬兩角形


亦等角形亦相似矣

本篇六

次解曰題又言各相當角形之比例若兩元形之比

例

論曰甲乙丙己庚辛兩角形既相似即兩形之比例  
為甲丙己辛兩相似邊再加之比例本篇十九依顯甲丙  
丁己辛壬之比例亦為甲丙己辛再加之比例則甲



乙丙與己庚辛兩角形之比例若甲丙丁  
與己辛壬兩角形之比例依顯甲丁戊與  
己壬癸之比例亦若甲丙丁與己辛壬之  
比例則此形中諸角形之比例若彼形中  
諸角形之比例此諸形為前率彼諸形為

後率而一前與一後之比例又若并前與并後之比  
例五卷十二即此一角形與相當彼一角形之比例若此  
元形與彼元形之比例矣

後解曰題又言兩多邊元形之比例為兩相似邊再  
加之比例

論曰甲乙丙與己庚辛兩角形之比例既若甲乙丙  
丁戊與己庚辛壬癸兩多邊形之比例而甲乙丙與  
己庚辛兩形之比例為甲乙己庚兩相似邊再加之

比例本篇十九則兩元形亦為甲乙己庚再加之比例

增題此直線倍大于彼直線則此線上方形與彼線上方形為四倍大之比例若此方形與彼方形為四倍大之比例則此方形邊與彼方形邊為二倍大之比例




先解曰甲線倍乙線題言甲上方形與乙上方形為四倍大之比例

論曰凡直角方形俱相似

本卷界說一

依本題




論則甲方形與乙方形之比例為甲線與乙線再加之比例甲線與乙線既為倍大之比例則兩方形為四倍大之比例矣何者四倍大之比例為二倍大再加之比例若一二四為連比例故也

後解曰若甲上方形與乙上方形為四倍大之比  
例題言甲邊與乙邊為二倍大之比例

論曰兩方形四倍大之比例既為兩邊再加之比





例則甲邊二倍大于乙邊




系依此題可顯三直線為連比例如甲乙丙則第一線上多邊形與第二線上相似多邊形之比例若第一線與第三線之比

例

此系與本篇第十九題之系同論

## 第二十一題

兩直線形各與他直線形相似則自相似



解曰甲乙丙丁戊己兩直線形各與庚辛壬  
形相似題言兩形亦自相似

論曰甲乙丙形之各角既與庚辛壬形之各

角等而丁戊己形之各角亦與庚辛壬形之

各角等即兩形之各角自相等公論兩形之各

角既等則甲乙丙形與庚辛壬形各等角旁

各邊之比例等五卷十一而丁戊己形與庚辛壬

形各等角旁各邊之比例亦等也是甲乙丙

形與丁戊己形各等角旁各邊之比例亦等也各角  
既等各邊之比例又等即兩形定相似矣


本卷界  
說一

第二十二題

支二

四直線為斷比例則兩比例線上各任作自相似之直  
線形亦為斷比例兩比例線上各任作自相似之直  
線形為斷比例則四直線為斷比例

先解曰甲乙丙丁戊己庚辛四直線為斷比例者甲  
乙與丙丁若戊己與庚辛也今于甲乙丙丁上各任



作直線形自相似如甲乙壬丙丁癸  
 于戊己庚辛上各任作直線形自相  
 似如戊己丑子庚辛卯寅題言四形  
 亦為斷比例者謂甲乙壬與丙丁癸  
 若戊丑與庚卯也

論曰試以甲乙丙丁兩線求其連比

例之末率線為辰本篇次以戊己庚辛兩線求其連

比例之末率線為己平之即甲乙與辰之比例若戊

己與己也

五卷廿二

夫甲乙壬與丙丁癸兩相似形之比

例若甲乙線與辰線

本篇十九及廿之系

而戊丑與庚卯兩相

似形之比例若戊己線與己線則甲乙

壬與丙丁癸之比例亦若戊丑與庚卯


矣

五卷十一

後解曰如前四形為斷比例題言甲乙

丙丁戊己庚辛四線亦為斷比例

論曰試以甲乙丙丁戊己三線求其斷



比例之末率線為午未

本篇十二

次于午未上作直線形

與戌丑相似而體勢等為午未酉申

本篇十八

午酉與戌

丑相似即與庚卯亦相似而甲乙與丙丁之比例既

若戊己與午未依上論即甲乙壬與丙丁癸兩形之

比例若戊丑與午酉矣夫甲乙壬與丙丁癸之比例

元若戊丑與庚卯則戊丑與午酉亦若戊丑與庚卯

也

五卷十一

午酉與庚卯既等

又相似而體勢等即兩形必在等線之上而庚辛與午

未必等

見下方補論

則戊己與午未之比例若戊己與庚

辛也而戊己與午未元若甲乙與丙丁則甲乙與丙

丁亦若戊己與庚辛也

補論曰庚卯午酉兩直線形相等相似而體勢等即

在等線之上者何也蓋庚辛與午未若云不等者或


言庚辛大于午未也則辛卯宜亦大于未酉矣

五卷十四

而庚卯形宜亦大于午酉形矣何先設兩形等也言

小倣此

補論者前此未著而論中無他論可徵故別作一論以足未備



又補論曰甲乙丙丁戊己兩直線形相等相似而體勢等即相似邊如甲乙與丁戊必等者何也蓋云不等者或言甲乙大于丁戊也即今以甲乙丁戊兩線求其連比例之末率線為庚本篇十一其甲乙與丁戊既若丁戊與庚

而甲乙大于丁戊即丁戊宜大于庚即甲乙宜更大

于庚矣然甲乙與庚之比例若甲乙丙形與丁戊己

形本篇十九及廿之系甲乙既大于庚則甲乙丙宜大于丁戊



已何先設兩形等也是甲乙不能大于丁戊矣言小倣此


增論曰本題別有簡論今先顯四線之比例等而甲

乙壬與丙丁癸兩形之比例若戊丑

與庚卯兩形者蓋甲乙與丙丁之比

例若戊己與庚辛而甲乙壬與丙丁

癸之比例為甲乙與丙丁再加之比



例本篇戊丑與庚卯之比例亦為戊己與庚辛再加

十九

之比例是甲乙壬與丙丁癸若戊丑與庚卯也  
次增論曰今顯四形之比例等而甲乙與丙丁兩  
線之比例若戊己與庚辛兩線者蓋甲乙壬與丙  
丁癸之比例若戊丑與庚卯而甲乙壬與丙丁癸  
之比例為甲乙與丙丁再加之比例若戊丑與庚  
卯為戊己與庚辛再加之比例本篇十九則甲乙與丙  
丁之比例若戊己與庚辛矣

## 第二十三題

等角兩平行方形之比例以兩形之各兩邊兩比例相結

解曰甲丙丙己兩平行方形之乙丙

丁戊丙庚兩角等題言兩形之比例以


各等角旁各兩邊之比例相結者謂兩

比例之前率在此形兩比例之後率在

彼形如甲丙與丙己之比例以乙丙與丙庚偕丁丙

與丙戊相結也或以乙丙與丙戊偕丁丙與丙庚相

結也



論曰試以兩等相聯于丙而乙丙丙庚作一直線其

乙丙丁角既與戊丙庚角等即戊丙丙丁亦一直線

一卷十五增次于甲丁己庚各引長之過于辛次任作一

壬線次以乙丙丙庚壬三線求其斷比例之末率線

為癸本篇十二末以丁丙丙戊癸三線求其斷比例之末

率線為子其乙丙與丙庚兩底之比例既若甲丙與

丙辛兩形本篇一而乙丙與丙庚亦若壬與癸則甲丙

與丙辛亦若壬與癸也五卷十一依顯丙辛與丙己亦若

癸與子也平之即甲丙與丙己若壬與子也

五卷夫廿二

壬與子之比例元以壬與癸癸與子兩比例相結

本卷


五界說而壬與癸癸與子元若乙丙與丙庚丁丙與丙

戊則甲丙與丙己之比例以乙丙與丙

庚偕丁丙與丙戊兩比例相結也其以

乙丙與丙戊偕丁丙與丙庚相結則先

以乙丙丙戊為一直線可依上推顯



後注曰此不同理之比例也兩形不相似

本篇十九

又

不相等之形也等角旁各兩邊不互相視

本篇故十四

必用相結之理必須借象之術其法假虛形實所以通比例之窮也以數明之乙丙六十丙庚二十壬三求得癸一丁丙四十丙戊八十癸一求得子二即甲丙之實二千四百與丙己之實一千六百若壬三與子二為等帶半之比例也其曰壬與癸癸與子兩比例相結者壬三倍大于癸癸反二倍大于子

反二倍者癸得子之半

三乘半得一五則壬與子為

等帶半之比例也其曰借象者乙丙與丙庚丁丙與丙戊二比例既不同理又異中率故借壬與癸癸與子同中率而不同理之二比例以為象

本卷界說五初作

壬與癸若乙丙與丙庚次作癸與子若丁丙與丙戊

本篇

十二則癸為前率之後又為後率之前是為壬子首


尾兩率之樞紐令相象之丙庚丁丙亦化兩率為一率為乙丙丙戊首尾兩率之樞紐因以兩比例相結為首尾兩率之比例雖不能使三率為同理之

兩比例而合為一連比例亦能使兩不同理之比  
 例首尾合而為一比例矣自三以上可倣此相借  
 以至無窮也

本卷界  
說五

## 第二十四題

平行線方形之兩角線方形自相似亦與全形相似



解曰甲乙丙丁平行方形作甲丙對角線  
 任作戊己庚辛兩線與丁丙乙丙平行而  
 與對角線交相遇于壬題言戊庚己辛兩



角線方形自相似亦與全形相似

論曰試依一卷廿九題推顯兩角線形等角又庚甲  
戊與乙甲丁同角而甲戊壬外角與甲丁丙內角等  
甲庚壬外角與甲乙丙內角等戊壬庚外角與乙己  
壬內角等乙己壬外角又與乙丙丁內角等則戊庚  
形與甲丙全形等角矣依顯己辛形亦與全形等角  
矣今欲顯兩形與全形相似者試觀甲庚壬與甲乙  
丙兩角形甲戊壬與甲丁丙兩角形既各等角

一卷廿九

可推仍見本篇四之系

即甲乙與乙丙之比例若甲庚與庚壬

而庚乙兩角旁各兩邊之比例等也

六卷四

又乙丙與

丙甲之比例若庚壬與壬甲丙甲與丙丁之比例若

壬甲與壬戊平之即乙丙與丙丁若庚壬與壬戊也

五卷廿二

則乙丙丁庚壬戊兩角旁各兩邊之比例等也依顯各

角旁各兩邊之比例皆等是兩角線方形自相似亦

與全形相似

## 第二十五題

兩直線形求作他直線形與一形相似與一形相等

法曰甲乙兩直線形求作他直線形與

甲相似與乙相等先于求相似之甲形


任取一邊如丙丁于丙丁邊上作平行

方形與甲等為丙戊一卷四次于丁戊

邊上作平行方形與乙等而戊丁庚角

與丁丙己角等為丁辛其丙丁庚己戊辛俱為直線

也一卷四次作一壬癸線為丙丁丁庚之中率本篇十三



末于壬癸上作子形與甲相似而體勢等本篇十八即子  
形與乙等

論曰丙丁壬癸丁庚三線既為連比例即依本篇二  
十題之系可顯一丙丁與三丁庚之比例若一丙丁  
上之甲與二壬癸上之子兩形相似而體勢等者之  
比例也又丙丁與丁庚之比例若丙戊與丁辛兩等  
高平行方形之比例也本篇一則丙戊與丁辛若甲與  
子矣夫丙戊與丁辛元若甲與乙也丙戊與甲等  
丁辛與乙等則

甲與乙之比例若甲與子也

五卷十一


而乙形與子形等

矣

五卷九


## 第二十六題

平行方形之內減一平行方形其減形與元形相似而體勢等又一角同則減形必依元形之對角線



解曰乙丁平行方形之內減戊庚平行方形元形減形相似而體勢等又戊甲庚同角題言戊庚形必依乙丁形之對

# 角線



論曰試作甲己己丙對角兩線若兩線  
為一直線即顯戊庚形依甲丙對角線  
矣如云甲己己丙非一直線令別作元

形之對角線而分戊己邊于辛即作辛壬線與己庚

平行其乙丁戊壬兩平行方形既同依甲辛丙一直

對角線則宜相似而體勢等矣

本篇廿四

是乙甲與甲丁

之比例宜若戊甲與甲壬也夫乙甲與甲丁元若戊

甲與甲庚

元設形相似而體勢等

今若所云則戊甲與甲庚亦

若戊甲與甲壬矣

五卷十一

而甲壬分與甲庚全亦等矣


五卷九

可乎若云甲辛丙分己庚壬辛即令作辛壬與

己戊平行依前論駁之

## 第二十七題

凡依直線之有闕平行方形不滿線者其闕形與半線上之闕形相似而體勢等則半線上似闕形之有闕依形必大于此有闕依形



線上之闕形

本卷界說六

此兩形相等相似勢體又等題

言甲乙線上凡作有關依形不滿線者其闕形與丙戊相似而體勢等即甲丙半線上之甲丁有關依形必大于此有關依形

解曰甲乙線平分于丙于半線丙乙上任作丙丁戊乙平行方形其對角線乙丁次作甲乙戊辛滿元線平行方形即甲丁為甲丙半線上之有關依形丙戊為丙乙半



論曰試于乙丁對角線上任取一點為庚從庚作己

庚壬線庚癸線與甲乙乙戊各平行即得甲庚為依

甲乙元線之有闕平行方形而癸壬為其闕形此癸

壬闕形既依乙丁對角線則與丙戊闕形相似而體

勢等

本篇廿四

夫丙庚庚戊兩餘方形既等

一卷四三

若每加

一癸壬角線方形即丙壬與癸戊亦等也又丙壬與

丙己俱在兩平行線內底等即兩形等

一卷三六

而丙己

與癸戊兩形亦等若每加一丙庚形是甲庚平行方




等一卷而庚戌為丁壬之分則丁壬大于庚戌較餘

一庚丁形其大于丙庚亦如之

庚戌丙庚兩餘方形等故見一卷四三

即等丁壬之己丁形其大于丙庚亦較餘一庚丁形也次每加一丙己形則甲丁必大于甲庚矣



又解曰若庚點在丙戌形外即引乙丁對角線至庚從庚作辛丑線與癸戌平行次引甲癸線至辛引乙戌線至丑而與辛丑線遇于辛于丑末作庚己線與辛甲平行

即得甲庚為依甲乙元線之有闕平行方形又得己丑與丙戌相似而體勢等者

兩形同依乙庚對角線故見本篇廿四

為

其闕形也題言甲丁形亦大于甲庚形

論曰試于丙丁線引出之至子即辛子子丑兩線等

一卷

而辛丁丁丑兩形亦等

一卷

其丁丑己丁兩餘


方形既等即己丁與辛丁亦等夫辛丁大于辛壬既較餘一庚丁形則己丁之大于辛壬亦較餘一庚丁形也此兩率者每加一甲壬平行方形則甲丁大于

甲庚者亦較餘一庚丁形矣依顯凡乙丁對角線引出丙戌形外依而作形與丙戌相似者其有闕依形俱小于甲丁也為其必有庚丁之較故也

第二十八題

一直線求作依線之有闕平行方形與所設直線形等而其闕形與所設平行方形相似其所設直線形不大于半線上所作平行方形與所設平行方形相似者

法曰甲乙線求作依線之有闕平行方形與所設直  
線形丙等而其闕形與所設平行方形丁相似先以



甲乙線兩平分于戊次于戊乙半線

上作戊己庚乙平行方形與丁相似

而體勢等本篇十八次作甲辛庚乙滿元

線平行方形若甲己平行方形與丙

等者本篇廿五即得所求矣若甲己大于

丙者題言甲己小即不可作見本篇廿七即等甲己之

戊庚亦大于丙也則尋戊庚之大于丙幾何假令其

較為壬

兩直線形不等相減之較法見一卷四五增

即作癸子丑寅平行

方形與壬等又與戊庚形相似而體勢

本篇廿五

則戊庚


平行方形與丙直線形及癸丑平行方形并等而戊

庚必大于癸丑矣夫戊庚與癸丑既相似即戊己與己

庚兩邊之比例若寅癸與癸子也而戊庚既大于癸

丑即戊己已庚兩邊亦大于寅癸癸子也次截取己已

己卯與癸子癸寅等而作己已辰卯平行方形必與



辰與戌庚相似本篇廿四即亦與丁相似

論曰辰庚與辰戌兩餘方形既等一卷四三每加一乙辰

癸丑形相等相似而體勢等矣又卯

巳形既與戌庚相似而體勢等必同

依乙巳對角線也本篇廿六次于巳辰線

引出抵甲乙元線于卯辰兩界各引

出作午未線即甲辰為依甲乙線之

有關平行方形與丙等而其闕形乙



角線方形即乙巳與戊午亦等而與等戊午之戊未

亦等

戊午戊未同在平行線內又底等故見一卷卅六


乙巳與戊未既等又

每加一申辰方形即甲辰平行方形與申酉釐折形亦等矣夫申酉釐折形為戊庚形之分而戊庚與丙及癸丑等戊庚所截去之卯己又與癸丑等則申酉釐折形與丙等也而甲辰亦與丙等也

## 第二十九題

一直線求作依線之帶餘平行方形與所設直線形等

而其餘形與所設平行方形相似



法曰甲乙線求作依線之帶餘平行

方形與所設直線形丙等而其餘形

與所設平行方形丁相似先以甲乙

線兩平分于戊次于戊乙半線上作

戊己庚乙平行方形與丁相似而體

勢等本篇十八次別作一平行方形與丙及

戊庚并等為辛二卷十四次別作一平行方形與辛等又

與丁相似而體勢等為壬癸子丑

本篇廿五

其丑癸既與

辛等即大于戊庚而且癸既與戊庚相似即丑壬與

壬癸兩邊之比例若戊己與己庚也而且壬與壬癸

兩線必大於戊己與己庚也

若等或小即丑癸不大於戊庚

次於己

戊引之至卯與壬丑等於己庚引之至寅與壬癸等

而作卯寅平行方形即卯寅與丑癸同依辰巳對角

線而等

本篇廿六

又與戊庚相似而體勢等矣次于甲乙

引之至己庚乙引之至午於午卯引之至未未作甲

未線與己卯平行即得甲辰帶餘平行方形依甲乙  
線與丙等而已午為其餘形與戊庚形相似而體勢  
等

本篇廿四

即與丁相似而體勢等

論曰甲卯戊午兩形既等

一卷廿六

戊午與乙寅兩餘方

形又等

一卷四三

則甲卯與乙寅亦等矣而每加一卯己

形則甲辰平行方形與戊辰寅罄折形亦等矣夫戊

辰寅罄折形元與丙等


丑癸

即卯寅與丙及戊庚并等每減一戊庚即罄折形與

丙等即甲辰亦與丙等

第三十題

一直線求作理分中末線



法曰甲乙線求理分中末先于元線作甲

乙丙丁直角方形次依丁甲邊作丁己帶

餘平行方形與甲丙直角方形等而甲己為其餘形

又與甲丙形相似本篇廿九即甲己亦直角方形矣惟直

形恒與直角方形相似則戊己線分甲乙于辛為理分中末線

也本卷界說三

論曰丁己與甲丙兩形既等每減一甲戊形即所存

甲己辛丙兩形亦等矣此兩形之甲辛己戊辛乙兩

角既等

兩皆直  
角故

即兩角旁之各兩邊線為互相視之

線也

本篇  
十四

而等戊辛之甲乙線與等辛己之甲辛線

其為比例若甲辛與辛乙也是甲辛乙線為理分中  
末也

又論曰甲乙甲辛辛乙凡三線而第一第三矩內之  
辛丙直角形與第二甲辛上直角方形等即三線為

連比例

本篇十七

而甲乙與甲辛若甲辛與辛乙矣

又法曰甲乙線求分于丙而甲乙偕丙乙矩內

直角形與甲丙上直角方形等

二卷十一

即甲乙之

分于丙為理分中末線蓋甲乙甲丙丙乙三線




為連比例故

本篇廿七

### 第三十一題

三邊直角形之對直角邊上一形與直角旁邊上兩形

若相似而體勢等則一形與兩形并等



八題言乙丁形與乙庚丙辛兩形并等

壬辛兩形與乙丁形相似而體勢等

本篇

論曰試從甲作甲癸為乙丙之垂線依本篇第八題之系即乙丙與丙甲兩邊之比例若丙甲與丙癸兩邊則一乙丙邊與三丙癸邊之比例若一乙丙上之



乙丁形與二甲丙上之丙辛形也

本篇十九或二十之系

反之

則丙癸與乙丙兩邊之比例若丙辛與乙丁兩形也

依顯乙癸與乙丙兩邊之比例若乙庚與乙丁兩形

也

乙丙乙甲乙癸三邊為連比例故見本篇八之系

夫一丙癸與二乙丙之

比例既若三丙辛與四乙丁而五乙癸與二乙丙之


比例亦若六乙庚與四乙丁則一丙癸五乙癸并與

二乙丙之比例若三丙辛六乙庚并與四乙丁也既

一丙癸五乙癸并與二乙丙等則三丙辛六乙庚并

與四乙丁亦等

五卷  
廿四



又論曰甲乙丙與癸甲丙兩角形既相  
似而甲乙丙角形其乙丙與丙甲之比  
例若癸甲丙角形之丙甲與丙癸  
即乙丙與丙甲兩邊相似則癸甲丙與

本篇  
八

甲乙丙兩角形之比例為丙甲與乙丙再加之比例

本篇  
十九而丙辛與乙丁兩形之比例亦為丙甲與乙丙

再加之比例  
本篇十九  
則癸甲丙與甲乙丙兩角形之

比例若丙辛與乙丁兩形也

五卷十一

依顯癸乙甲與甲

乙丙兩角形之比例若乙庚與乙丁兩形也是一甲

癸丙與二甲乙丙之比例若三丙辛與四乙丁也而

五癸乙甲與二甲乙丙之比例若六乙庚與四乙丁

也即一甲癸丙五癸乙甲并與二甲乙丙之比例若

三丙辛六乙庚并與四乙丁也

五卷廿四

既一甲癸丙五

癸乙甲并與二甲乙丙等則三丙辛六乙庚并與四

乙丁亦等

又論曰一甲丙上直角方形與二乙丙上直角方形

之比例若三丙辛形與四乙丁形

此兩率之比例皆甲丙與乙丙再加

之比例見本篇十九二十

又五甲乙上直角方形與二乙丙上直

角方形之比例若六乙庚形與四乙丁形即一甲丙

上五甲乙上兩直角方形并與二乙丙上直角方形

之比例若三丙辛六乙庚兩形并與四


乙丁形

五卷廿四

既甲丙甲乙上兩直角方

形并與乙丙上直角方形等

一卷四十則丙



辛乙庚兩形并與乙丁形等

增題角形之一邊上一形與餘兩邊上兩形相似而體勢等者其一形與兩形并等則餘兩邊內角必直角

解曰甲乙丙角形于乙丙上任作一直線形與甲乙甲丙上兩形相似而體勢等其一形與兩形并等題言乙甲丙必直角

論曰試作甲丁為甲丙之垂線與甲乙等次作丁

丙線其丙甲丁既直角即于丁丙上作一形與乙

丙上形相似其丁丙上形與丁甲甲丙上相似而

體勢等之兩形并等矣

本題

又甲丁與甲乙等其上

兩形亦等即丁丙上形與甲乙甲丙上兩形并亦

等而乙丙上形元與甲乙甲丙上兩形并等則丁

丙乙丙上兩形亦等而丁丙與乙丙兩線亦等

本篇

廿二補論

夫甲丙丁角形之甲丁與甲乙丙角形之甲


乙等甲丙同邊其底乙丙丁丙又等即丁甲丙與

乙甲丙兩角必等丁甲丙既直角則乙甲丙亦直

角

第三十二題

兩三角形此形之兩邊與彼形之兩邊相似而平置兩  
形成一外角若各相似之各兩邊各平行則  
其餘各一邊相聯為一直線



解曰甲乙丙丁丙戊兩角形其甲乙甲丙邊  
與丁丙丁戊邊相似者謂甲乙與甲丙之比例若丁

丙與丁戊也試平置兩形令相切成一甲丙丁外角  
而甲乙與丁丙甲丙與丁戊各相似之兩邊各平行  
題言乙丙丙戊為一直線

論曰甲乙與丁丙既平行即甲角與內相對之甲丙

丁等

一卷廿九

依顯丁角亦與內相對之甲丙丁等則甲

丁兩角等而甲乙丙與丁丙戊兩角形之甲丁兩角

旁各兩邊比例又等即兩形為等角形而乙角與丁

丙戊角必等

本篇六

次于乙角加甲角于丁丙戊角加




等甲之甲丙丁角即乙甲兩角并與等甲丙丁丁丙  
戊兩角并之甲丙戊角等次每加一甲丙乙角即甲  
乙丙形之內三角并與甲丙乙甲丙戊兩角并等夫  
甲乙丙形之內三角等兩直角一卷則甲丙乙甲丙  
戊并亦等兩直角而為一直線一卷

第三十三題

支三

等圓之乘圓分角或在心或在界其各相當兩乘圓角  
之比例皆若所乘兩圓分之比例而兩分圓形之比

例亦若所乘兩園分之比列



解曰甲乙丙戊己庚兩園等其心為丁為  
辛兩園各任割一園分為乙丙為己庚其  
乘園角之在心者為乙丁丙己辛庚在界  
者為乙甲丙己戊庚題先言乙丙與己庚  
兩園分之比列若乙丁丙與己辛庚兩角  
次言乙甲丙與己戊庚兩角之比例若乙

內乙丁丙分圓形與己辛辛庚兩腰偕己庚圓分內  
己辛庚分圓形之比例亦若乙丙與己庚兩圓分

先論曰試作乙丙己庚兩線次作丙壬合圓線與乙

丙等作庚癸癸子兩合圓線各與己庚等四卷其丙


壬既與乙丙等即乙丙與丙壬兩圓分亦等三卷而

乙丁丙與丙丁壬兩角亦等三卷依顯己庚庚癸癸


子三圓分己辛庚庚辛癸癸辛子三角俱等則乙丙

壬圓分倍乙丙圓分之數如在心乙丁壬角或乙丁

壬內地倍乙丁丙角之數而已庚癸子園分倍己庚  
 園分之數如在心己辛子角或己辛子內地倍己辛  
 庚角之數何者乙丁壬己辛子兩角或兩地內之分  
 數與乙丙壬己庚癸子兩園分內之分數各等故也  
 然則乙丁壬角與地若等于己辛子角與地即乙丙



壬園分必等于己庚癸子園分矣若大亦  
 大若小亦小矣是一乙丙所倍之乙丙壬  
 三乙丁丙所倍之乙丁壬偕二己庚所倍



之已庚癸子四已辛庚所倍之已辛子等

大小皆同類也則一乙丙與二已庚之比

例若三乙丁丙與四已辛庚也

五卷界說六

次論曰乙丁丙角倍大于乙甲丙角而已辛庚角亦

倍大于已戊庚

三卷二十

即乙丁丙與已辛庚兩角之比

例若乙甲丙與已戊庚兩角矣

五卷廿五

則乙甲丙與已

戊庚在界乘園之兩角亦若乙丙與已庚兩園分也

五卷十一

若作甲壬戊癸直線亦可用先論推顯

用地當角說見

三卷廿

增題

後論曰試于乙丙圜分內作乙丑丙角次于丙壬圜分內作丙寅壬角此兩角所乘之乙甲壬丙與丙乙

甲壬兩圜分既等

三卷廿七

即兩角亦等而乙丑丙與丙

寅壬兩圜小分亦相似亦相等

乙丙與丙壬兩合圜線等故見三卷廿四

次每加一相等之乙丁丙丙丁壬角形即乙丁丙丙



丁壬兩分圜形等

一卷四

則乙丁壬分圜形倍乙丁丙

分圜形之數如乙丙壬圜分倍乙丙圜分之數依顯

己辛子分圜形倍己辛庚分圜形之數亦如己庚癸  
子圜分倍己庚圜分之數然則乙丙壬圜分若等于



己庚癸子圜分者即乙丁壬分圜形亦等

于己辛子分圜形矣若大亦大若小亦小

矣五卷界說六是乙丙壬圜分之倍一乙丙圜

分乙丁壬分圜形之倍三乙丁丙分圜形

倍己庚癸子圜分之倍二己庚圜分己辛

子分圜形之倍四己辛庚分圜形等大小

皆同類也則一乙丙圜分與二己庚圜分之比例若

三乙丁丙分圜形與四己辛庚分圜形也

五卷界  
說六

一系在圜心兩角之比例皆若兩分圜形

二系在圜心角與四直角之比例若圜心角所乘圜  
分與全圜界四直角與在圜心角之比例若全圜界  
與圜心角所乘之圜分


丁先生言歐几里得六卷中多研察有比例之線  
竟不及有比例之面故因其義類增益數題用補



闕如左云實復增一題竊并于首仍以題旨從先  
生舊題隨類附演以廣其用俱稱今者以別于先  
生舊增也



今增題圜與圓為其徑與徑再加之比例

解曰甲乙丙丁戊己兩圜其徑甲丙丁己題言甲



乙丙與丁戊己為甲丙與丁  
己再加之比例

論曰如云不然當言甲乙丙



圓與小于丁戊己之庚辛壬

圓或大于丁戊己之癸子丑

圓為甲丙與丁己再加之比

例也

五卷界說  
二十增

若言庚辛壬是者試置庚辛壬圓

于丁戊己圓內為同心次于外圓內作丁亥戊未

己申酉戌多邊切形其多邊為偶數又等而全不

至內圓也

四卷十  
六補題

次于甲乙丙圓內作甲午乙寅

丙卯辰己多邊切形與丁戊己圓內切形相似

四卷

十六補  
題可推

其兩圓內兩徑上有丁亥戊未己與甲午

乙寅丙相似之兩多邊形則為兩相似邊再加之

比例也

本篇二十

而甲丙與丁己兩線為兩形之相似

邊據如彼論即甲午乙寅丙與丁亥戊未己兩形


甲乙丙與庚辛壬兩圓同為甲丙與丁己兩線再

加之比例也甲乙丙半圓大于甲午乙寅丙形將

庚辛壬半圓亦大于丁亥戊未己形乎則分大于

全乎若言癸子丑是者亦如前論甲午乙寅丙與

丁亥戊未己兩形甲乙丙與癸子丑兩圓同為甲  
丙與丁己兩線再加之比例也反之即癸子丑與



甲乙丙兩圓之比例為丁己  
與甲丙兩徑再加之比例也  
設他圓乾兌離令癸子丑與  
甲乙丙之比例若丁戊己與  
乾兌離五卷界說增則丁戊己與  
乾兌離兩圓亦宜為丁己與

甲丙兩徑再加之比例也癸子丑既大于丁戊己  
即甲乙丙亦大于乾兌離而丁戊己與小于甲乙  
丙之乾兌離兩圓能為丁己與甲丙兩徑再加之  
比例乎前已駁有兩圓其第一與他圓之小于  
第二者不得為元圓兩徑再加之比例夫  
甲乙丙不得與圓之大于丁戊己者小于丁戊己  
者為甲丙與丁己再加之比例則止有元兩圓者  
其元兩徑再加之比例

一系全圓與全圓半圓與半圓相當分與相當分

任相與為比例皆等蓋諸比例皆兩徑再加之比例故

二系三邊直角形對直角邊為徑所作圓與

餘兩邊為徑所作兩圓并等半圓與兩半圓并等

圓分與相似兩圓分并等

本篇卅一可推

三系三線為連比例以為徑所作三圓亦為連比

例推此可求各圓之相與為比例者又可以圓求

各圓之相與為比例者

本篇十九二  
十之系可推

一增題直線形求減所命分其所減所存各作形

與所設形相似而體勢等

法曰如甲直線形求減三分之一其所

減所存各作形與所設乙形相似而體

勢等先作丙丁形與甲等與乙相似而

體勢等

本篇  
廿五

次任于其一邊如丙戊上


作丙己戊半圜次分丙戊為三平分而取其一庚

戊次從庚作己庚為丙戊之垂線

本篇  
九

次作己丙

己戊兩線末于己丙己戊上作己辛己壬兩形各



與丙丁相似而體勢等

本篇十八

即所求

論曰丙己戊角形既負半圓為直角

三卷卅一

即丙丁

直線形與己辛己壬相似之兩形并等

本篇卅

而于

等甲之丙丁形減己壬存己辛兩形各與丙丁相

似而體勢等則與乙相似而體勢等今欲顯己壬

為丙丁三分之一者試觀丙庚己丙己戊兩角形

既相似

本篇八

即丙庚與庚己之比例若丙己與己

戊也

本篇四

夫丙庚庚己庚戊三線為連比例即丙



庚與庚戌為丙庚與庚己再加之比例本篇八而

己辛與己壬兩形亦為丙己與己戌兩相似邊再

加之比例本篇十即丙庚與庚戌兩線之比例若


己辛與己戌兩形也兩比例為兩同理合之則丙

戌與庚戌之比例若等己辛己壬兩形并之丙丁

與己壬矣丙戌三倍于庚戌則丙丁亦三倍于己

壬而已壬為等甲之丙丁三分之一

若直線形求減之不論所減所存何形其法更易



如甲形求減三分之一先作乙丙平

行線形與甲等一卷一次分乙丁為三

平分而取其一戊丁末從戊作己戊線與丙丁平


行即戊丙形為等甲之乙丙形三分之一本篇

今附若于大園求減所設小園則以園徑當形邊

餘法同前如上圖

又今附依此法可方一初月形方初月形者謂作直

角方形與初月形等如甲乙丙丁園其界上有附園




四分之一之乙壬丙戊初月形而求作一直角方形與初月形等先從乙丙作甲乙丙丁內切圓直

角方形

三卷六

次用方形法四平分之即



其一為所求方形與初月形等何者甲


乙丙半圓與甲乙乙丙上兩半圓并等

本增題  
之今附

甲乙乙丙兩線自相等即其上兩半圓亦


自相等而庚乙壬丙分圓形為大半圓之半即與

乙己丙戊小半圓等此兩率者各減一同用之乙



己丙壬圜小分其所存乙壬丙戊初月  
 形與庚乙丙角形等而庚己丙辛直角  
 方形與庚乙丙角形亦等則與乙壬丙  
 戊初月形亦等依顯甲乙丙丁直角方形與大圓  
 界上四初月形并等

二增題兩直線形求別作一直線形為連比例  
 法曰甲與乙丙丁兩直線形求別作一直線形為  
 連比例先作一戊己庚直線形與甲等與乙丙丁



相似而體勢等

本篇廿五次

以兩形相似之

各一邊如戊己乙丙為前中率線而求

其連比例之末率線為辛壬

本篇十一

末于

辛壬上作辛壬癸形與兩形相似而體勢等

本篇十八

即所求

論曰戊己乙丙辛壬三線既為連比例即其上三

形相似而體勢等者亦為連比例

本篇廿二

今附有兩圖求別作一圖為連比例則以圈徑當

形邊依上法作之

三增題三直線形求別作一直線形為斷比例

法曰一甲二乙丙丁戊三己庚辛三直線形求別

作一直線形為斷比例先作壬癸子丑形與甲等

與乙丁相似而體勢等

本篇廿五

次以三形之任各一

邊如壬癸乙丙己庚為三率求其斷比例之末率



線為寅卯

本篇十二

末于寅卯上作寅卯

辰形與己庚辛相似而體勢等

本篇十八




即所求

論曰四線既為斷比例即其線上形


相似而體勢等者亦為斷比例

本篇廿二



今附有三圖求別作一圖為斷比例亦以圖徑當形邊依上法作之

四增題兩直線形求別作一形為連比例之中率法曰甲與乙丙丁兩直線形求別作一形為連比例之中率先作戊己庚直線形與甲等與乙丙丁



丙上形相似而體勢等

本篇十八即所求

相似而體勢等

本篇廿五

次求戊己乙丙

兩直線連比例之中率為辛壬

本篇十三

末于辛壬上作辛壬癸形與戊己乙


論曰戊己辛壬乙丙三線既為連比例

即各線上戊己庚辛壬癸乙丙丁三形

亦為連比例

本篇廿二

又法曰甲乙兩直線形求別作一形為





連比例之中率先作丁丙己戊平行線形任直斜

角與甲等

一卷四五

次作庚戌壬辛平行線

形與乙等與丁己形相似而體勢等

本篇

廿次置兩平行線形以戊角相聯而丁

戊戌壬為一直線即庚戌戊己亦一直


線

一卷十五增

末從兩形引長各邊成丙子辛癸平行

線形即兩餘方形俱為丁己庚壬兩形之中率

論曰丁己庚壬兩形既相似而體勢等即丁戊與



己戊之比例若戊壬與戊庚也更之即丁戊與戊  
壬若己戊與戊庚也夫丁戊與戊壬兩線之比例  
亦若丁己與戊癸兩形己戊與戊庚兩線之比例  
又若戊癸與庚壬兩形則戊癸為丁己庚壬之中  
率矣

又論曰丁己庚壬兩形既相似而體勢等即同依  
丙辛對角線

本篇  
廿六

而子戊戊癸兩餘方形自相等


則丁己與戊癸兩形之比例若子戊與庚壬兩形

何者此兩比例皆若丁戌與戊壬也則子戌戊癸皆丁己庚壬之中率也

今附若兩圜求作一圜為連比例之中率亦以圜徑當形邊依上前法作之

五增一直線形求分作兩直線形俱與所設形相似而體勢等其比例若所設兩幾何之比例

法曰甲直線形求分作兩直線形俱與所設丁形相似而體勢等其比例若所設兩幾何如乙線與



丙線之比例先作戊己庚辛直線形

與甲等與丁相似而體勢等

本篇廿五次

任用其一邊如戊辛兩分之于壬令

戊壬與壬辛之比例若乙與丙也

分法

先以乙丙兩線聯為一直線次截戊壬與壬辛若乙與丙見本篇十

次于戊辛上作

戊癸辛半圓次從壬作癸壬為戊辛之垂線次作

戊癸癸辛線相聯末于戊癸癸辛上作戊丑子癸

癸卯寅辛兩形與戊庚形俱相似而體勢等

本篇十八

即此兩形并與甲等又各與丁相似而體勢等其  
比例又若乙與丙

論曰戊癸辛既負半圓為直角

三卷卅一

即戊子癸寅

兩形并與等戊庚之甲等

本篇卅一

又戊壬與壬癸之

比例若戊癸與癸辛

俱在直角兩旁故見本篇四

戊壬壬癸壬

辛三線為連比例即戊壬與壬辛為戊壬與壬癸

再加之比例

本篇八之系

而戊子與癸寅兩形亦為戊

癸與癸辛兩相似邊再加之比例

本篇二十

則戊壬與


壬辛之比例亦若戊子與癸寅也

兩比例為兩同  
理比例之再加

故夫戊壬與壬辛元若乙與丙也則戊子與癸寅  
亦若乙與丙也

今附若一圜求分作兩圜其比例若所設兩幾何  
亦以圜徑當形邊依上法作之

六增題一直線形求分作兩直線形俱與所設形  
相似而體勢等其兩分形兩相似邊之比例若所  
設兩幾何之比例



法曰甲直線形求分作兩直線形  
 俱與所設丁形相似而體勢等其  
 兩分形兩相似邊之比例若所設  
 兩幾何如乙線與丙線之比例先  
 以乙與丙兩線求其連比例之末

率為戊本篇

十一

次作己庚辛直線形與甲等與丁相

似而體勢等次任用其一邊如己辛兩分之于壬

令己壬與壬辛之比例若乙與戊也

本篇

次于己

辛線上作己癸辛半圓次從壬作壬癸為己辛之  
垂線次作己癸癸辛兩線相聯未于己癸癸辛上  
作己子癸癸丑辛兩形俱與丁相似而體勢等即  
此兩形并與等甲之己庚辛等而已癸癸辛兩相  
似邊之比例若乙與丙

論曰己癸辛既負半圓為直角

三卷

即己子癸癸

丑辛兩形并與等己庚辛之甲等

本篇

又己壬與

壬癸之比例若己癸與癸辛

俱在直角兩旁  
故見本篇四


己壬





所設兩幾何倣此

七增題兩直線形求并作一直線形與所設形相似而體勢等



法曰甲乙兩直線形求并作一形與所設丙形相似而體勢等先作戊丁己形與甲等作己庚辛形與乙等又各與丙相似而體勢等本篇廿五次置兩形令相似之戊己己辛兩邊聯為直

角次作戊辛線相聯末依戊辛線作戊辛壬與丙相似而體勢等即與上兩形并等

本篇卅一

如所求

又法曰作一平行方形與甲乙兩形并等


一卷四五次

作戊辛壬角形與平行方形等又與丙相似而體勢等即所求

今附若兩圜求并作一圜亦以圜徑當形邊依上法作之

八增題圜內兩合線交而相分其所分之線彼此

# 互相視



戊若戊丁與戊丙也

論曰甲戊偕戊丙與乙戊偕戊丁兩矩內直角形等


三卷  
卅五

即等角旁之兩邊為互相視之邊

本篇  
十四

解曰甲乙丙丁圓內有甲丙乙丁兩合  
線交而相分于戊題言所分之甲戊戊  
丙乙戊戊丁為互相視之線者謂甲戊  
與戊丁若乙戊與戊丙也又甲戊與乙

九增題園外任取一點從點出兩直線皆割園至  
規內其兩全線與兩規外線彼此互相視若從點  
作一切園線則切園線為各割園全線與其規外  
線之各中率



解曰甲乙丙丁園外任取戊點從戊作  
戊丁戊丙兩割園至規內之線遇園界于  
甲于乙題言戊丙戊乙戊丁戊甲互相  
視者謂戊丙與戊丁若戊甲與戊乙也


又戊丙與戊甲若戊丁與戊乙也

論曰試從戊作戊己線切園于己即戊丙偕戊乙

矩內直角形與戊己上直角方形等

三卷卅六

又戊丁



偕戊甲矩內直角形與戊己上直角方

形亦等即戊丙偕戊乙與戊丁偕戊甲

兩矩內直角形自相等而等角旁之兩

邊為互相視之邊

本篇十四

又戊丙偕戊乙

戊丁偕戊甲兩矩內直角形各與戊己上直角方

形等

三卷  
卅六

即戊丙戊己戊乙三線為連比例戊丁


戊己戊甲三線亦為連比例而戊己為各全線與

其規外線之各中率

本篇  
十七


十增題兩直線相遇作角從兩線之各一界互下  
垂線而每方為兩線一自界至相遇處一自界至  
垂線則各相對之兩線皆彼此互相視

解曰甲乙丙乙兩線相遇于乙作甲乙丙角從甲  
作丙乙之垂線從丙作甲乙之垂線若甲乙丙為



鈍角即如前圖兩垂線當至甲乙丙  
 乙之各引出線上為甲丁為丙戊其  
 甲戊丙丁交而相分于乙也若甲乙  
 丙為銳角即如後圖甲丁丙戊兩垂線  
 當在甲乙丙乙之內交而相分于己也  
 題言兩圖之甲乙乙戊丙乙乙丁皆彼此互相視  
 者謂甲乙與乙丙若丁乙與乙戊也又甲乙與丁  
 乙若乙丙與乙戊也





與乙戊也

又論曰依前圖可推後圖之甲丁丙戊交而相分  
于己其甲己己丁丙己己戊亦彼此互相視蓋甲

為等角形而甲乙與丁乙若乙丙與乙  
戊也

本篇四

更之則甲乙與乙丙若丁乙

角各等


兩為直角兩于前圖為交角于後圖為同角故

即兩形

論曰甲乙丁角形之甲乙丁甲丁乙兩

角與丙乙戊角形之丙乙戊丙戊乙兩

已戊丙己丁既為等角形即甲己與己戊若丙己  
與己丁也本篇四更之則甲己與丙己若己戊與己  
丁也



十一增題平行線形內兩直線與兩邊平行相交  
而分元形為四平行線形此四形任相與為比例皆  
等解曰甲乙丙丁平行線形內作戊己庚  
辛兩線與甲丁丁丙各平行而交于壬題  
言所分之戊庚庚己己壬壬丙四形任相

與為比例皆等

論曰戊壬與壬己兩線之比例既若戊庚與庚己

兩形

本篇

又若乙壬與壬丙兩形即戊庚與庚己

亦若乙壬與壬丙也


五卷

依顯乙壬與戊庚亦若

壬丙與庚己也

十二增題凡四邊形之對角兩線交而相分其所  
分四三角形任相與為比例皆等

解曰甲乙丙丁四邊形之甲丙乙丁兩對角線交



相分于戊題言所分甲戊丁乙戊丙甲戊

乙丁戊丙四三角形任相與為比例皆等

論曰甲戊與戊丙兩線之比例若甲戊丁

與丁戊丙兩角形又若甲戊乙與乙戊丙兩角形


本篇即甲戊丁與丁戊丙兩角形亦若甲戊乙與

乙戊丙也依顯甲戊乙與甲戊丁亦若乙戊丙與

丁戊丙也

十三增題三角形任于一邊任取一點從點求作

一線分本形為兩形其兩形之比例若所設兩幾何之比例



先法曰甲乙丙角形任于一邊如乙丙上任取一點為丁求從丁作一線分本形為兩形其兩形之比例若所設兩幾何如戊線與己線之比例先以乙丙線

兩分之于庚令乙庚與庚丙之比例若戊與己


本篇

十其庚與丁若同點即作丁甲線則乙丁與丁丙

兩線之比例若乙丁甲與丁丙甲兩角形也

本篇一

是丁甲線所分兩形之比例若戊與己



次法曰若庚在丁丙之內亦作丁甲線次  
從庚作庚辛線與丁甲平行次作丁辛線  
相聯即丁辛線分本形為兩形其比例若  
戊與己者謂乙丁辛甲無法四邊形與丁

丙辛角之比例若乙庚與庚丙也亦若戊與己也

論曰試作庚甲線即辛庚甲庚辛丁兩角形等

卷一

卅次每加一丙庚辛角形即丙庚甲丙辛丁兩角

形亦等則甲乙丙全形與丙庚甲角形之比例若

甲乙丙與丙辛丁也五卷分之則乙庚甲角形與


丙庚甲角形之比例若乙丁辛甲無法四邊形與

丙辛丁角形也五卷乙庚甲與丙庚甲兩角形之

比例既若乙庚與庚丙本篇則乙丁辛甲無法四


邊形與丙辛丁角形之比例亦若乙庚與庚丙也

則亦若戊與己也



後法曰若庚在乙丁之內亦作丁甲線次  
 從庚作庚辛線與丁甲平行次作丁辛線  
 相聯即丁辛線分本形為兩形其比例若  
 丁與己者謂乙丁辛角形與丁丙甲辛無  
 法四邊之比例若乙庚與庚丙也亦若戊與己也  
 論曰試作庚甲線如前推顯辛庚甲庚辛丁兩角  
 形等一卷次每加一乙庚辛角形即乙庚甲與乙  
 辛丁兩角形亦等則甲乙丙全形與乙庚甲角形





之比例若甲乙丙與乙辛丁也

五卷

分之

則丙庚甲角形與乙庚甲角形之比例若

丁丙甲辛無法四邊形與乙辛丁角形也

五卷反之則乙庚甲角形與丙庚甲角形

之比例若乙辛丁角形與丁丙甲辛無法四邊形

也乙庚甲與丙庚甲之比例既若乙庚與庚丙

本篇


則乙丁辛角形與丁丙甲辛無法四邊形之比

例亦若乙庚與庚丙也則亦若戊與己也


系凡角形任于一邊任取一點從點求減命分之  
一如前法作多倍大之比例即得其所作倍數每  
少于命分之一如求減四分之一即作三倍大之  
比例減五分之一即作四倍大之比例也則全形  
與所減分之比例其倍數若命分之數也

十四增題一直線形求別作一直線形相似而體  
勢等其小大之比例如所設兩幾何之比例

法曰甲直線形求別作直線形相似而體勢等其




甲形與所作形小大之比例若所設  
兩幾何如乙與丙兩線之比例先以  
乙丙及任用甲之一邊如丁戊三線  
求其斷比例之末率為己本篇十二次求  
丁戊及己之中率線為庚辛本篇十三末  
從庚辛上作壬直線形與甲相似而  
體勢等即甲與壬之比例若乙與丙  
論曰丁戊庚辛己三線為連比例即




一丁戊與三己之比例若相似而體  
 勢等之甲與壬 本篇十九  
二十之系  
 若先設大甲求作小壬若乙與丙其  
 法同如上圖

用此法可依此直線形加作兩倍大三倍四  
 五倍大以至無窮之他形亦可依此直線形減作二  
 分之一三分四五分之一以至無窮之他形其此形  
 與他形皆相似而體勢等



有用法作直角方形平行線形及各形  
之相加相減者如甲乙丙丁直角方形  
求別作五倍大之他形先以甲乙線引  
長之以甲乙為度截取五分至戊令乙  
至戊五倍大于甲乙也次以甲戊兩平  
分于己次以己為心甲戊為界作甲庚  
戊半圓其乙丙線直行過圓界于庚即乙庚為所  
求方形之一邊也未作乙庚辛己直角方形即五



倍大于甲丙向者乙庚既為戊乙乙甲

之中率線

本篇十之三系

即一戊乙與三乙甲

之比例若二庚乙上直角方形與三甲

乙上直角方形之比例也

本篇二十之系

戊乙


既五倍于乙甲則乙辛亦五倍于甲丙

若戊乙為乙甲之六倍則乙辛亦甲丙

之六倍若戊乙為乙甲三分之一則乙辛亦甲丙

三分之一相加相減倣此以至無窮如甲乙丙丁

平行直角形求別作二倍大之他形相似而體勢等先以甲乙線引長之以甲乙為度截取二分至



戊令乙至戊二倍大于甲乙也次以甲戊兩平分于己次以己為心甲戊為界作甲庚戊半圓其丙乙線直行過圓界于庚即乙庚為所求直角形之一邊也次于甲戊線上截取甲辛與乙庚等從辛作辛士線與乙丙平行次作甲丙對角線引長

之與辛壬線遇于壬末作丁癸癸壬成甲辛壬癸

平行直角形即二倍大于甲丙又相似而體勢等

何者戊乙乙庚乙甲三線既為連比例

本篇十之三之系如

前論一戊乙與三乙甲之比例若二等乙庚之甲

辛上平行直角形甲壬與三甲乙上平行直角形

甲丙也

本篇二十之系

戊乙既二倍于甲乙則甲壬亦二

倍于甲丙

用此法凡甲乙上不論何等形與乙庚上形相似



而體勢等者其乙庚上形皆二倍大于甲乙上形  
相加相減俱倣此以至無窮

今附若用前法作圜則乙庚徑上圜亦二倍大于  
甲乙徑上圜相加相減倣此以至無窮

以上用法與本增題同但此用法隨作隨得中率  
線不費尋求致為簡易耳

十五增題諸三角形求作內切直角方形

法曰如甲乙丙銳角形求作內切直角方形先從

甲角作甲丁為乙丙之垂線次

以甲丁線兩分于戊令甲戊與

戊丁之比例若甲丁與乙丙

本篇

十一末從戊作己庚線與乙丙


平行從己從庚作己辛庚壬兩

線皆與戊丁平行即得己壬形

如所求若直角鈍角形則從直角鈍角作垂線餘

法同

如第二第三圖是



論曰己戊庚線既與乙丙平行即乙丁與丁丙若

己戊與戊庚也

本篇四增題

合之即乙丙與丁丙若己

庚與戊庚也又丁丙與甲丁若

戊庚與甲戊


甲丁丙與甲戊庚為等角形故見本

篇四平之即乙丙與甲丁若己

庚與甲戊也又甲丁與乙丙若

甲戊與戊丁平之即乙丙與乙

丙若己庚與戊丁也乙丙與乙




丙同線必等即己庚與戊丁必等而已庚與辛壬

又等一卷戊丁與己辛庚壬亦等則己庚庚壬壬

辛辛己四邊俱等又戊丁辛既直角即己辛丁亦

直角一卷其餘亦皆直角而已壬為直角方形



又法曰若直角三邊形求依乙角作

內切直角方形則以垂線甲乙兩分

于丁令甲丁與丁乙之比例若甲乙

與乙丙本篇次從丁作丁戊直線與乙丙平行從

戊作戊己直線與甲乙平行即得丁己形如所求

論曰乙丙與甲乙既若丁戊與甲丁

甲乙丙甲丁戊為等角形

故見本篇四之系

而甲乙與乙丙又若甲丁與丁乙平之

即乙丙與乙丙若丁戊與丁乙也乙丙與乙丙同


線必等即丁戊與丁乙必等而丁己為直角方形

今附如上三邊直角形依乙角作內切直角方形

其方形邊必為甲丁己丙兩分餘邊之中率何者

甲丁與丁戊若戊己與己丙故

本篇四之系



幾何原本卷六